

31. Deinde portæ præfecta INDUMATI regem monstravit, hostibus intolendum, imprimis conspicuum, veluti lunam recens ortam.

32. “ Hic est *Avantis* dominus, longis brachiis, lato pectore, gracili ac tereti corpore fulget veluti sol a VISVAKARMANE diligenter cote acutus redditus.

33. “ Pulvis in expeditionibus ejus, integra potestate præditi, ab equis præcedentibus excitatus, splendorem, e gemmis in regum vicinorum verticibus promicantem, obscurum reddit.

34. “ Hic utique, haud procul habitans a SIVA, lunam in vertice gestante, in *Mahákála* commorante, vel in obscuro mensis dimidio cum mulieribus suis fruitur noctibus luna collustratis.

35. “ Tu, cujus femora duobus *rambhæ* truncis similia sunt, animone tuo desiderium est, cum hoc rege juvene ambulandi in nemoribus continuis, *Sipræ* undarum ventis commotis?”

36. Ut nelumbium in sole, sic puella tenerrima animum non fixit in illo, qui propinquos lumine suo collustrabat, ut sol nymphæas, et qui hostes vigore suo exsiccabat, ut sol paludes.

37. Deinde ante *Anúpæ* regem illam collocans, SUNANDA rursus allocuta est formosissimam illam Dei creaturam, interioris loti partis colore fulgentem, virtutibus eximiam, pulcherrimis dentibus præditam :

38. “ KÁRTAVÍRYAS pius, qui in pugna mille brachiis gaudebat, et in octodecim insulis tropæa erexit, sine æmulo regis nomine fruebatur.

39. “ Arcu armatus in fronte apparens, instructor ille vel in animis hominum facta humilia suppressit, simulac sceleris cogitatio oriebatur.

40. “ In cujus custodia *Lankæ* rex, cujus brachium arcum tendens immotum stetit, qui INDRAM devicerat, ex orum suorum serie ingemiscens, habitavit, donec ille placatus erat.

41. “ In ejus prosapia natus est hicce rex PRATÍPAS, *Vedarum* peritos colens, per quem probrum illud, quod SRIS ob vitia, cum protectione quam præbet connexa, incurrit, scilicet esse eam indole mobilem, extinctum est.